



Familian parte hartzeak onura dakar

Alaben edota semeen hazkuntzan eta hezkuntzan bi heldu inplikatzeko direnean, erantzukizunak partekatzen dira. Helduok, ama edo aita bezala dugun betebehar edo funtzioan konfiantza izan behar dugu, konpetente sentitu behar dugu. Kontziente izan behar dugu, gure alaben edota semeen garapenean eragiten dugula eta eragingo dugula aurrerantzean ere. Erreferente gaituzte eta beraien bizipenen parte gara.



Nolanahi ere, eguneroko komunikazioan eta elkarreraginean, elkarrekiko errespetua gailendu behar da. Beste pertsonak ere (bi heldu bizikide direnean), etxean, bere erantzukizunak eta funtzioak bere gain hartu eta betetzen dituenaren konfiantza izan behar dugu. Modu honetan transmititzen zaie seme-alabei hobekien familia funtzionamendurako eta personalerako erantzukizun partekatuak duen zentzua eta garrantzia.



“Todavía creo, que
nuestro mejor diálogo ha
sido el de las miradas.”

— Mario Benedetti.

Erantzukizun partekatuak, etxeko lanetan ez ezik, gure alaben edota semeen hezkuntzan eta hazkuntzan inplikatzea suposatzen du. Hala nola: seme edo alabak entzun; seme-alabei hitz egin; beraien lekuan jarri hartzen dituzten erabakiak ulertzeko; osasun zentrora eraman; irakasleak deitzen dituen bileretara joan; parkera, igerilekura eraman; ipuin bat irakurri (txikienekin) edo notziaren bati buruz hitz egin (nagusiagoak direnekin); higiene, elikadura edo ikasteko ohiturak ezarri; arau eta mugak jarri....Ekintza guzti horiek gure alaben edota semeen garapenari mesede egiten diete.



Horrez gain, garrantzitsua da ere, positiboak izatea, akordioetara heltzea, familia osatzen dugunon indar-guneak eta abileziak aintzat hartzea eta adieraztea. Esfortzua baloratu eta modu bateratuan lan egitea. Gakoa, talde bezala jardutea da. Horretarako ezinbestekoa da komunikazioa egokia izatea.

Komunikazioa hitz egitea da, baina baita entzutea ere. Helduok, komunikazioaren beharra dugu, gure alaba edota semeen hazkuntza eta hezkuntza gaiei dagozkien erabakiak hartzeko. Komunikazioaren beharra dugu, aldameneko pertsonak sentitu eta pentsatzen duena ezagutzeko eta ulertzeko, finean, beste pertsona batekin kontaktatu eta indarrak batzeko. Horrela, gure alaba edota semeek komunikazio egokiaren eredua izango dute. Mezuak naturaltasunez, entzun, tratatu eta eztabaidatuko dira, eta akordioetara heltzeko erremintak bereganatuko dituzte. Familia taldearen parte aktibo izango dira orduan.

Guzti honi buruz hitz egiteko, gurasoentzako hitzaldi-tailerrak antolatu ditu Lea Artibai Amankomunazgoak. Hitzaldi-tailerrak, Ispasterren azaroaren 24an arratsaldeko 18:00etan (Euskaraz) eta Etxebarrian, abenduaren 18an arratsaldeko 18:00etan (Euskaraz) izango dira.

ETXADI. 0-18 urte bitarteko seme-alabak dituzten familientzako doako Orientazio Zerbitzua **Egin zure kontsulta telefono bidez:** 94405 1549 (asteazkenetan: 11:30etik 13:00etara eta 16:00etatik 17:30era) **edo www.etxadi.org webgunean Lea Artibai Amankomunazgoko inprimakia betez edo [Lea Artibai Amankomunazgoko](#) webguneren bitartez.**

Gaiari buruzko errefrentzia interesgarria: [Familia ekipo bezala: onurak besterik ez](#)